

松滋縣志卷之六

武備志

荊州用武之地也松滋居其右掖通黔蜀而近蠻崑一旦戎馬生郊猝難應變然使思患預防城成衆志則依山阻水溝壘固於金湯荷插揮鋤棘矜銳於干櫓外以禦寇內以戢奸邇來鄉團頗得寓兵於農遺意用之屢有成功故曰善用兵者勝於邛甸不勝於疆場疆場之勝勝一日邛甸之勝勝百年不然轉兵千里而言武竊

松滋縣志

卷之六

武備志

一

慨其不備也志武備

塘汛

順治十三年設夔陵鎮乾隆元年改稱宜昌鎮節制一協七營管轄宜昌七屬施南六屬及荊州屬之宜都枝江松滋遠安安陸屬之當陽等十八州縣宜都城守營康熙十三年設游擊一員雍正五年裁七年改守備九年改都司設把總二員一駐松滋縣

縣城汛

宜都營右司把總駐防存城兵三十名

分防陸塘六處

磨盤洲 五塘名兵

草坪 五塘名兵

斯家場 三塘名兵

石牌河 三塘名兵

鄧家鋪 三塘名兵

西寨 三塘名兵

關隘

上明鎮在縣東

浣市鎮在縣東

松滋縣志

卷之六 武備志

二

以上見通志

白水鎮

枝江鎮

以上見元豐九域志

紅崖子寨在縣南一百里 紅崖子路近傍代設紅崖查寨來巡

以防奸偽今裁

西平寨在縣西南一百二十里昔人屯兵之所

以上見通志

楊木寨

車羊寨

高平寨

稅家寨

以上見陸游入蜀記

西平砦在縣南十里

草坪市在縣東

以上見通志

寨子嶺

按松滋形勢劉田壘爲下游水道入松之路有

松滋縣志

卷之六

武備志

三

事宜移礮船守之而屯馬步軍於涇市上游則洋溪之水府廟獨爲要衝水師步兵皆有形勝可據東南則公安之瀆口及與松接壤之界溪橋最爲險塞西南則自劉家場行四十里入澧州界山徑崎嶇易於設守若夫幽遐之境納汗藏疾又在良有司不時覺察消禍於未形矣

紀兵

周

春秋莊公十八年楚文王與巴人伐申巴人叛遂鬪于楚閭敖游涌而逸楚子殺之其族為亂冬巴人因之以伐楚十九年春楚子禦之大敗于津

通鑑注巴山在今江陵府松滋縣有巴復村互詳山川

楚肅王四年蜀伐楚取茲方楚為扞關以距之史記楚世家

三國

吳鳳凰元年秋八月徵西陵督步闡闡不應據城降晉

松滋縣志

卷之六

武備志

四

遣樂鄉都督圍取闡闡衆悉降吳志吳主傳樂鄉

晉

太康元年二月壬戌王濬克夸道樂鄉城甲戌杜預克

江陵於是諸軍並進樂鄉荆門諸戍以次來降晉書武帝紀

紀

預以太康元年正月陳兵於江陵又遣牙門管定

周旨伍巢等率奇兵八百泛舟夜渡以襲樂鄉多

張旗幟起火巴山出於要害之地以奪賊心吳都

督孫歆震恐與伍延書曰北來諸軍乃飛渡江也

吳之男女降者萬餘口旨巢等伏兵隨歆軍而入  
歆不覺直至帳下虜歆而還故軍中爲之語曰以  
計伐戰一當萬

晉書杜預傳

永嘉五年巴蜀流民布在荆湘間數爲土民所侵苦蜀  
人李驤聚衆據樂鄉反南平太守應詹與醴陵令杜  
弼共擊破之

通鑑

巴蜀流人散在荆湘者與土人忿爭遂殺令屯聚  
樂鄉澄使成都內史王機討之賊請降澄僞許之  
既而襲之于寵洲以其妻子爲賞沈八千人於江

松滋縣志

卷之六

武備志

五

中

晉書王澄傳

太元二年桓冲以秦人彊盛欲移阻江南

江南即上明也

奏自

江陵移鎮上明

通鑑

三年桓冲在上明擁衆七萬憚秦兵之彊不敢進

通鑑

八年秋七月郭銓及冠軍將軍桓石虔敗張崇於武當  
掠二千戶以歸鉅鹿公叡遣慕容垂爲前鋒進臨沔  
水垂夜命軍士人持十炬繫於樹枝光照數十里冲

懼退還上明

通鑑

符堅別將圍襄陽詔毛穆之就上明受桓冲節度冲使

穆之游軍沔中穆之始至而朱序陷沒引軍還郡

晉書

毛穆之傳

中興元年八月魯休烈蕭瓚破劉孝慶等於峽口任漾之戰死休烈等進至上明江陵大震蕭穎胄恐馳告蕭衍令遣楊公則還援根本衍曰公則令泝流上江陵雖至何能及事休烈等烏合之衆尋自退散政須少時持重耳良須兵力兩弟在雍指遣往徵不爲難至穎胄乃遣祭道恭假節屯上明以拒蕭瓚

通鑑

和帝卽位巴西太守魯休烈等自巴蜀連兵寇上

松滋縣志

卷之六

武備志

六

明以道恭持節督西討諸軍事次土臺與賊合戰道恭潛以奇兵出其後一戰大破之休烈等降

梁書

蔡道恭傳

時巴東太守蕭惠訓子瓚等及巴西太守魯休烈舉兵逼荊州屯軍上明鎮軍將軍蕭穎胄暴疾卒西朝甚懼尙書僕射夏侯詳議徵兵雍州南平王偉遣愴赴之愴以書喻瓚等旬日皆降

梁書始興王愴傳

陳

天嘉二年春正月辛未周湘州城主殷亮降湘州平侯

瑱與賀若敦相持日久瑱不能制乃借船送敦等渡江敦慮其詐不許報云湘州我地爲爾侵逼必須我歸可去我百里之外瑱留船江岸引兵去之敦乃自拔北歸軍士病死者什五六武陵天門南平義陽河東宜都郡悉平通鑑原注五代志南郡松滋縣舊置河東郡

天嘉二年夏四月分荊州之南平宜都羅河東四郡置南荊州鎮河東郡以安西將軍武州刺史吳明徹爲荊南荊州刺史秋七月周將賀若敦自拔遁歸人畜死者什七八武陵天門南平義陽河東宜都郡悉平

松滋縣志

卷之六

武備志

七

陳書世紀  
文帝本紀

十二年秋八月己未周使持節上柱國鄖州總管滎陽郡公司馬消難以鄖隨溫應土順沔環岳等九州魯山甌山沌陽應城平靖武陽上明須水等八鎮內附

陳書世紀  
文帝本紀

光大元年九月梁以華皎爲司空皎軍于白螺與吳明徹等相持皎自巴陵與周梁水軍順流乘風而下西軍大敗皎與戴僧朔單舸走皎黨曹慶等四十餘人並伏誅吳明徹乘勝攻梁河東拔之

通鑑

唐

武德元年蕭銑徙都江陵三年高祖詔夔州總管趙郡王孝恭討之四年詔孝恭與李靖率巴蜀兵順流下銑乃遣將文士宏拒孝恭戰清江口孝恭大破之獲鬪艦千艘拔宜昌當陽枝江松滋偽江州將蓋彥舉以城降孝恭靖直逼其都節錄唐書蕭銑傳

後梁

開平元年雷彥恭會楚兵來寇節度使高季昌引兵屯公安絕其糧道彥恭敗楚兵亦走九月彥恭攻涇陽

松滋縣志

卷之六

武備志

八

季昌擊敗之

通鑑

五代

高保融性迂緩無材能而事無大小皆委其弟保勗其從叔從義謀為亂為其徒高知訓所告徙之松滋而殺之五代史南平世家

宋

建炎四年七月乙巳程昌寓遣將杜湛擒李合戎於松

滋縣

宋史高宗紀

時程昌寓權湖北帥事以杜湛權馬步副總管其

公安石首松滋諸縣皆爲賊所據而賊首李合戎屯松滋之尹店市於是昌寓遣湛渡江擊之遂擒

合戎建炎以來繫年要錄

嘉熙二年二月癸亥以孟珙爲京湖安撫制置副使置

司松滋縣宋史理宗紀

三年諜報大元兵欲大舉臨江孟珙策必道施黔以透湖湘以二千人屯峽州千人屯歸州珙弟瑛以精兵五千駐松滋爲夔聲援遣于德興增兵守歸州隘口萬戶谷四年珙條上流備禦宜爲藩籬三層乞剗制

松滋縣志 卷之六 武備志 九

副司及移關外都統一軍於夔任涪南以下江面之責爲第一層備鼎澧爲第二層備辰沅靖桂爲第三層峽州松滋須各屯萬人舟師隸焉節錄宋史孟珙傳

元

至元十二年九月乙亥賊將俞君正復陷中興路咬住領兵與戰於樓臺敗績奔松滋本路判官上都死之

元史順帝紀

賊將俞君正等擁衆復陷中興路行省平章咬住領兵出戰敗走松滋判官上都統兵出擊之既而

東門失守上都倉皇反鬪力屈賊執之使降上都

大罵賊怒剗其腹刳其肉而死元史牙敦傳里

癸未中興義士范忠偕荆門僧守智率義兵復中興路

賊將俞君正敗走龍鎮衛指揮使俺都刺哈蠻領兵

入城咬住自松滋還屯兵於石馬元史順帝紀

湖廣既陷平章咬住討賊軍五千人分銳卒八百使野

峻台為前驅賊方據巴東縣攻拔之是時歸峽等州

皆為賊所守野峻台破賊江上斬溺無算已而歸峽

平又進拔枝江松滋乘勝趨江陵元史節錄野峻台傳

松滋縣志 卷之六 武備志 十

明

崇禎七年二月流賊陷松滋

時朝議調鎮筸兵五千赴襄陽救援恐不及數又

調施南各土司兵以足之而賊已犯宜都夔陵松

滋歸州浸淫乎入蜀矣節錄紀畧

十五年十二月李自成陷荊州設偽知縣張勉於松滋

紀畧

十六年春賊黨馬守印寇松滋儒士杜秀逸率眾禦之不克而死

癸未春賊黨馬守印自西陵南渡至松滋邑諸生  
杜秀逸據仙女洞團結鄉勇斯時鹿頸坡以西沙  
道觀以南皆赴其號召部署未定而賊鋒猝至遂  
爲所執不屈而死

十七年十二月張獻忠陷松滋

邑舊城獻賊夷爲平地

舊志

國朝

順治二年九月賊李過寇松滋

自成姪李過眇一目號一隻虎駐札草坪縱兵焚

松滋縣志

卷之六

武備志

十一

殺見枝江志

順治初容美土司及流賊餘黨并爲民害知縣李式祖  
邑舊志序曰年來姚黃諸逆逼處茲土民之戕於鋒  
鏑者什去五六按姚黃賊渠也順治十三年都統阿  
爾津大破賊渠姚黃於夔陵之蛇倒退山見東華錄  
附記  
順治初縣治寓居湖中岡事平乃返舊治相傳邑之杜  
家溝四周皆水卽當年土司盤踞地戊申前猶見之  
厥後隄潰沙積始沒其迹

康熙十二年十一月二十一日吳三桂反雲南明年寇  
松滋大兵征之十八年事平

康熙十三年逆藩吳三桂之將吳應麒據岳州布重兵  
於澧州石首華容松滋爲犄角已而三桂親至松滋  
布賊船於虎渡口上遊截荆岳大兵咽喉力爭一年  
餘不得利十五年聞大兵攻長沙急乃自將回軍赴  
援而賊舟留松滋者尙多時大兵已復虎渡口而守  
之賊順流而下守兵潰自是江湖之險復爲賊據直  
至十八年夸陵澧州之賊皆以舟師降松滋始復爲

松滋縣志

卷之六

武備志

十二

王土

考三桂親至松滋居二載賊將先後蹂躪凡六  
載相傳邑東南黃龍山洗馬池與木天河寨子  
嶺俱爲屯兵處草坪以西所謂運糧岡交糧橋  
皆以供餉得名當賊初至時賦役苛虐及其將  
去則肆行殺戮事平父老言及吳家兵猶相顧  
失色道光壬辰隄潰澧市土人掘取兵器尙存  
僞號而一時懷忠赴難者姓名以年遠失傳可  
勝浩歎

乾隆五十九年正月枝江宜都白蓮教作亂松滋戒嚴  
白蓮教者持齋誦咒以救劫爲名始於乾隆四十年  
安徽劉松爲之首事覺發配其徒轉相傳授日久黨  
衆遂謀不靖五十九年正月枝江宜都聶人傑張正  
謨等並起長陽長樂東湖當陽遠安相繼應之時所  
在教匪煽亂烽火日警民心惶懼會湖廣總督畢沅  
湖北巡撫惠齡領兵剿除荊州近境肅清松滋始獲  
解嚴畢惠二公於嘉慶二年先後駐軍松滋凡數月

節錄聖  
武記

松滋縣志

卷之六

武備志

十三

咸豐四年五月初八日紅巾賊寇松滋邑人李延湘護  
知縣鍾齡率鄉勇逐之

長髮之黨僞號三王子始由監利竄江陵之龍陂橋  
昭通參將王國才以滿兵擊之盡殪其衆賊渠僅以  
身免未幾入當陽招納亡命復有衆萬人遂陷宜昌  
城旬日去之沿宜都枝江徑下松滋其後隊數十人  
薄暮失道倉卒至西望坪悉爲土人所斃懼禍者謂  
賊必仇我宜籌所以備之松滋無重鎮惟城守營及  
塘兵數十故賊至未敢抗知縣鍾齡又先以事他出

民無所承命羣情惴惴將委而去之邑有李延湘者性輕俠膂力絕羣蚤歲江湖落拓閱人孔多至是願以身爲餌遂具牛酒徃方甘言給賊旁睨之則素識某某俱在左右出語衆曰賊雖夥皆烏合耳使我有二千人當立破之衆壯其言乃訪求縣公奉之於五月十一日大集鄉勇於團山使延湘與諸團長等統以攻城部署甫定忽飛報曰賊遁矣延湘星夜追之至江陵彌陀寺弗及賊語途人曰吾自當陽以來歷四五州縣莫之敢拒今乃遇松滋鷓子兵也先是宜

松滋縣志

卷之六

武備志

十四

昌不守所在盜賊蜂起白晝橫行莫敢誰何延湘毅然怒于刃數人尸諸道左於是其黨大訶日夜聚謀將集綠林之衆燬井邑爲邱墟延湘乃徧告鄉村焚其窟巢取首惡者誅之羣盜喪氣皆匿跡遠避萑苻旣靖故外侮猝至無有應於內者荊州團練自袁家畝創始遠近皆知之而拔本塞源則延湘之功爲獨多焉

咸豐六年五月初三日臺山坪窮團賊起監生蘇材率王開瑞平之

窮團一號忠義團倡亂者曰彭升科高學屋人性兇悍好擄蒲嘗從川勇爲兵踰年歸與其田主李德祿有隙故創立是名大要以爲富不仁取稞無藝乃以其私意損之又損定爲條例榜諸通衢其黨鄧正雷以邪教助之誘煽延及澧州無賴者附和要結誓爲死黨於是中家以上先疇畝畝不能自有府金倉粟指呼索取稍涉依違則惡聲羣至掊擊交加無如何以其狀控諸縣縣令學潤不能禁但兩解之窮團益驕是時松澧民團以起紙市團首沈大恒執教首李

傳位余曰秀送縣獄升科等遂於四月十九日大肆焚掠監生蘇材懼如澧乞師得五百人使王開瑞領之開瑞者嘗從大軍擊粵賊頗識機變至是乘夜搗賊巢於高學屋賊方謀次日滅諸巨室澧勇人執一炬大呼官軍至則皆走追斃數十人開瑞倉卒舉事知賊衆如蟻將大至五百人何以禦之復與材求濟師於澧澧人難之開瑞曰騎虎之勢可下乎澧人乃盡出團練惟其所使開瑞簡精銳二百人間道至紙市約北團爲助其叔王晉三與材領衆屯臺山坪防

賊南竄時鄰邑震動郡守祿勳遣倅問狀兼籌事宜  
開瑞不顧遂偕把總謝思周率團勇由紙廠河轉而  
南至街河市賊窮蹙將盡銳於我以求一當開瑞叱  
其衆曰勿妄進命左右翼抄賊腋而身自迎擊賊敗  
走縱橫追擊衆以飢疲少息列巨礮待賊忽有出自  
林中者奔告曰窮團至矣卽手出火燃礮開瑞遙瞻  
旗幟亟熄藥綫追戮其人蓋賊伏莽爲間諜見材等  
所領禮勇至故謬言之欲以殲我衆也四月二十九  
日與材等合兵敗賊於八角祠遂至牙前寺復大破

之於燕子山獲劉熙然等十餘人惟彭升科至今漏  
網鄧正雷暨其子國煥於咸豐十一年爲知縣張軒  
鵬執而戮之論者謂窮團包藏禍心假團之名爲聚  
衆之端藉令稽延時日遠近響應競與富人爲仇流  
禍可勝言哉是役也倡義者蘇材殺賊者王開瑞犒  
師者職員沈大恒也開瑞後以驕蹇伏法可爲恃功  
者戒

咸豐七年正月二十一日襄匪由宜昌東下知縣賀榮  
率鄉勇禦之於洋溪賊北遁

丙辰冬賊圍襄陽不能入乃走興山遂伏宜昌外郭  
明年元夕競燈事賊亂其中以入時大帥汰冗兵候  
補知縣蜀人李光榮率其屬回籍川勇故暴桀及散  
遣西歸益怏怏賊出與之合遂大噪光榮死焉正月  
十八日羽檄馳報云賊掠商船萬舸蔽江東下松滋  
當大衆屢用之餘勢成弩末又以獻歲嬉春團防偶  
懈故風鶴驟驚倚擔觀望猝莫知所爲計知縣賀榮  
慨然曰守土扞患予之責也駭鹿走險若曹奚爲者  
乃偕監利李祥鴻邑人熊文瀚袁光祠等躬履鄉村

至天星觀日晡未食以飢渴之身濡唇拭舌家至戶  
說徃復咨嗟喻以安土重遷爲自全之計於是慷慨  
之士奮袂攘臂義形於色願爲前驅一二懦夫感其  
誠款亦請負羈縲以從衆志旣奮亟謀堵禦謂殺賊  
於境內不若驅賊於境外卽率百餘人先至洋溪扼  
其要害遣健兒數輩緣枝江宜都上偵賊情繼而二  
十一都之衆絡繹奔赴未及兩日集二萬餘人築壘  
張幕分駐水陸之衝旌旗蔽日劍戟林立時郡守祿  
勳行縣至枝江界遙望隔江萬炬炎炎照洲渚如白

晝又聞刁斗警夜繼以巨礮作霹靂聲驚顧周遑歎  
爲勁旅馳驛勞之是役也令得士民心爭欲爲之死  
器械旣備隊伍亦肅賊謀之不敢近相率而他遁論  
者謂前後屢集鄉勇此爲極盛惟是鋒刃未交報捷  
無端賢令尹之勤勞淹沒不彰良可惜也然不折一  
矢不戮一人吾圉獲固鄰禍亦藉以紓其所全不亦  
多乎

咸豐十一年二月馬坊坪教匪作亂知縣汪維誠率鄉  
勇平之

松滋縣志

卷之六

武備志

十八

丙辰窮團之亂與馬坊坪教匪相爲表裏知縣張長  
泰使吏迹射未獲辛酉知縣汪維誠聞匪徒潛聚密  
飭保甲偵報卽集汛兵壯丁於二月十一日往捕之  
途次值甲長鄒宗禮告變言奉命查訪偕往者三人  
皆爲所殺已以後至逃免聞賊卽於是日設壇拜將  
有都督統帶諸目自號天明元年刻印璽建五色旗  
幟尋燬民居掠衆數千勢甚熾乃飛諭鄉村齊集團  
勇及巡檢弓兵馳赴馬坊坪時脅從者皆散去賊黨  
數百人猶踞楊林市與朱市團兵抗拒官軍助之遂

潰走追斃三百餘人俘獲四十餘人有黃正倫者僞號意誠侯天門人至此未久賊渠吳玉書見之大喜與譚永幅譚昌柏劉士超等奉爲教主昏夜焚沉檀誦經咒謀爲非常事然未欲卽發也適保甲至其家知反情敗露箭弦之勢不能自己故倉卒稱戈未及二日而敗是日澧州知州陳秉鈞聞亂亦請營兵偕其鄉勇奔赴松澧交界寶塔寺等處協同剿賊其功亦與汪相埒

同治元年九月知縣張軒鵬獲教首鄧正雷及其子國

松滋縣志

卷之六

武備志

十九

煥伏誅

鄧正雷楊林人始謹愿有誘之習教者不從再四強之亦弗應壬子粵匪陷武昌巨測之徒訛言運丁陽九彌勒佛當降生救劫奉其戒者免一切苦厄且獲富貴於是深信之日持齋誦經汲汲不遑浸假乃以其說簧鼓鄉鄰鄉鄰詫其前後若兩人恐以妖妄速禍也繫之以肉置其口復取犬血飲之衆謂其旣破戒矣而正雷飲酒食肉迷途不返妄念滋生咸豐六年彭升科煽亂其父子爲之羽翼鄉勇捕之則遁去

事見窮團志明年澧州窮治匪黨移文拘之去旋釋而歸馬坊坪之變陰與賊合謀而陽附團練又倖免正雷屢經漏網罔有悛心同治元年知縣張軒鵬至磨市廉得其情復聆輿論羣言不除此人終爲戎首卽率塘兵鄉勇百餘人至其家收捕之正雷不及逃匿泥首就縛搜其筐笥有簿書載某人某職及過關印信皆爲他日預定又於宅後竹叢得衣一襲狀如金甲以銅絃貫錢爲之其不法如此是日朱市團總李應桃亦獲其子國煥於某姓之積薪中並械諸郡

松滋縣志

卷之六

武備志

二十

戮之

團練章程

附

鄉民團練卽保甲之變法無事則清查保甲有事則合鄉團練所以自相守衛費省而法良在今日尤爲得濟前奉

上諭飭令各直省鄉民團練自衛松邑於咸豐四年因土賊

借名管方聚黨滋事經

大憲示諭各州縣起團禦侮遂將內匪剷除粵賊遠竄兩年以來幾於道不拾遺夜不閉戶明效卓著矣

惟起團之人未經官爲選擇以致不逞之徒混迹其中如匪首彭升科等藉團訛詐謀爲不軌是必斟酌防患盡歸善美蓋禦賊必資兵勇而兵勇先儲餉糈現當軍貲匱乏之時安能籌兵籌餉其勢不得不借力於民團查嘉慶初年邪匪其延七八載四川合州刺史龔景瀚條呈堅壁清野之法經

川督勒 奏奉

諭旨通行始克蕨功卽如本邑彭逆滋事搗穴擒渠迅速撲

滅亦皆南北團練之功嗣後整理鄉團自應熟籌善

松滋縣志

卷之六

武備志

二十一

策俾可一勞永逸有備無患而其大綱則先在慎選團總由官發給印照方准起團如此則不肖之徒不能糾聚亡賴滋擾矣其次則可分可合分之則各成其團合之則總爲一大團而以本州縣印官統率之如此則可永收指臂之助不致跋扈生事矣所有應辦規條開列於後

一總理一團之事者爲團總最關緊要無論紳衿士耆務須其人明白大義品行端方向爲一方之仰望者始能勝任應由本地紳耆公舉報縣給與印單以重

其任其無保之人不准擅自起團以杜匪人結黨爲非之漸除從前已起各團人戶多寡仍照舊辦理外其新起各團必須遵照新章每團在市鎮街道者至多不得過五百人在鄉村者不得過三百人以免恃衆生事或彼此爭長挾私洩忿等弊其團卽以所住地名取作團名具數報官存查仍免造花名年貌冊亦不必調操驗看致滋畏累

一各團人戶多寡不一總以呼應得靈爲便公議條規由本縣印發各團總遵守一團有警附近鄰團四面

松滋縣志

卷之六

武備志

二十二

救應倘遇大股賊匪專攻一團則合邑各團分丁齊救不得觀望遲延其有擁衆坐視者查出稟官究處一團內人戶按人數出丁自十五歲以上五十歲以下無論紳耆富戶一律輪派惟本人不能出面者准其僱代其外來無稽不許入團團內居民不准隱漏團內如有喫齋教匪演派傳徒妖言惑衆以及窩賭窩娼窩賊等犯俱隨時查拏送官懲辦惟不得干預團外公事武斷鄉曲借團洩忿又蹈匪團弊轍一各團救應外團只准酌撥人數多則一半少則四分

之一其口糧等費俱本團自給不許滋擾事平另議  
賞賚不得圖利爭競

一各團條規既經官定約束宜嚴每團團總一人長佐  
數人此外爲牌長牌頭以次統率臨時惟聽團總號  
令不得爭前落後違者重責

一各鄉保甲係在官人役向例應由衿耆保充嗣有勾  
結衙門假列紳名具保恣其盤踞今後務須逐加清  
釐凡點充保甲必須紳衿士耆面見地方官具保方  
准承充以杜把持

松滋縣志

卷之六

武備志

二十三

一各團經費必須預籌應照舊規按田攤派每田一畝  
出錢一百文雖家住此團田在彼團只出一次不准  
重科亦不得恃強慳抗查明公罰其費公議彙交本  
團殷實公正之人經管官不過問用完再捐事平卽  
止

一各團團丁凡遇緝捕兇徒偶有傷損事故亦應預定  
賞卹如拏獲要緊匪首賞錢若干受傷者養傷錢若  
干事故者安埋費若干逐一議定以免事後嘍舌  
一官民聯爲一氣州縣父母官卽係一州一縣之大團

總其餘各鄉團雖人戶多少不齊然聲勢聯絡休戚相關分之則各成一小團合之則總成一大團於城中議設公局一所每月輪派司事二人值月遇有團中公事就近稟官施行以通上下之情兼杜阻隔之弊此爲合邑各團公局以辦合縣公事其餘各鄉村鎮不准另立公局名色以啟指團歛費花帳肥私等弊

一團練保衛鄉里原是合縣大公自應各鄉村鎮一齊通行不准以僻陋推諉安坐享成以致勞逸不均應

松滋縣志

卷之六

武備志

二十四

將合境地界公同核計除著名各團外其有從前議團而未起者或因公費無出而止或因人心不齊而散或有從中歛費入己以致有名無實此番俱宜逐一確查請本縣諭令該地紳耆公舉團總核實興辦務期犬牙交錯甌脫無遺以歸畫一

一團內戶口衆多姦良莫辨新來恐有奸細久住亦慮邪黨必行保甲之法十家聯保互出甘結存於團總處一家犯事九家連坐家有幾人作何行業種田若干畝註明業佃以備查考

以上諸條雖各處情形不一而大畧不外於此因地制宜原可隨時通變惟團練二字亦談何容易今之所稱團練者大約有團無練居多而其得力處則專在平時清查保甲認真勿使匪徒匿迹其中既無內線外賊難窺矣至其流弊之失則在於不先公舉團總以致匪徒得逞今既公議整頓嗣後所有松邑合境若干都里共有若干團練其團總必須本地紳耆公共具保官給印單方准承充如此則民團卽係官團不致恃狠抗官鄰團互相救應更是合散成總聚

則爲勇散仍爲農猶得古人寓兵於農之意才智於是乎表見技勇於是乎拔出先聲所奪外賊必不敢窺周防旣密內賊亦無由生昇平之象可復睹矣

兵防總論

慨自秦灰不盡晉縣長存豨突鴻哀何代蔑有  
縱橫之世邈矣然巴復茲方遺跡不沒也漢志  
高成武備缺佚厥後置督置鎮置司置屯由三  
國迄兩宋千餘載史編具在蓋當上下之衝飈  
塵倏忽輪蹄相續羽檄如飛加以江湖阻深山  
林蒙密姦宄出沒莫測端倪故陸幼節桓車騎  
孟忠襄諸公咸以此爲要害慎守禦焉過此以  
往浸以弛矣計寇亂之端莫酷於元明之流賊

松滋縣志

卷之六

武備志

二十六

莫久於

本朝之吳逆

皇威震疊巨憝芟夷使農畝耘耔祖孫數世不與征  
戍我

國家止戈偃武休養生息閱二百年於茲矣無平  
不陂嶺嶠爲禍始梟獍乘之橫噬鄉閭一星未  
終芸芸之衆屢撓鋒鏑天牖其衷賊魁戢心遠  
遁羣不逞之人以次授首城郭猶是井里依然  
則團勇之力鉅矣夫團勇非能簡練於平日備

用於臨時也特以誼切粉榆災甚剝膚義憤所  
激志成堅壘且控御得人寬其銜轡俾揭竿裂  
裳之侶縱橫掃蕩削平蟻垤此其屢用屢效彰  
彰如是者雖然蚩氓何知烽火不驚處堂燕雀  
煦煦自樂矣維彼哲人又或以鳥盡弓藏覆車  
躓垤均爲炯戒於焉杜門匿影功罪兩有不居  
嘻愚者懷安智者畏禍世變久而人情渙桑土  
綢繆其亟爲未雨之圖乎